

集部

欽定四庫全書

湯子遺書卷江 集部

詳校官檢討臣劉錫五

助教臣常循覆勘

總校官進士臣緣 校對官中書臣王鍾泰 腾 録監生 臣張士琛 琪

たとりをとう 欽誠正形以修身所以明德明德為 湯子遺書 知即知所先後之知即 此謂知之至也在本亂 部尚書湯斌撰 物有本末之本格物

舉其實總是明德明德即是仁仁者以天地萬物為 手惟在誠意而致知格物則誠意之功也原不得分為 覆明德新民止至善而終之以此謂知本可見聖學入 本新民為末修身為本家國天下為末一也此即示人 多分四月白書 以格物致知之功也下接所謂誠其意者一段中間反 明德新民必止於至善則格物為聖學徹始徹終工夫 事所謂格物者格明德新民之物也明德新民雖並 民未新即我德有未明處故曰明明德於天下

文亦無勞補義後章如好而知惡惡而知美若保亦子 處處明言格物二字耳千古聖賢心心相印毫髮不爽 心誠求之雖不中不遠所惡於上母以使下云云皆格 物致知之最明白易見者也故一部大學皆格物特未 不然若數里賢各有心得漫不相合所謂傳心者何事 大學之格物即中庸之明善孟子之集義理一而詞異 明明德也故曰此謂知本古本原自明白直截非有錯 可知矣又舉聽訟 一事蓋新民之一端而大畏民志即

**饮定四庫全書** 

湯子遺書

哉唐虞授受十六字辨晰危微精以察之一以守之格 而下手頭緒反不如古本之直截歸一此陽明古本之 善各為一傳本末格致誠意各為一傳文義似為明晰 本有錯簡為之改正補傳心良苦矣然明德新民止至 兼愛格物也即至演易繋辭窮神盡變禮儀威儀三千 物也非禮勿視聽言動與夫非禮之禮非義之義大人 三百無非格物也故曰道外無物物外無道朱子以古 不為格物也親親而仁民仁民而愛物各有差等不同

次定四事全島 之文字之際此與孔曰博約孟曰詳說同義固非徒求 或應事接物而處其當皆窮理也又曰致知之要當知 之外物而不驗之身心以親還父子以義還君臣以序 之事為之者或祭之念慮之做或求之文字之中或索 亦多端或讀書講明理義或論古今人物而别其是非 說陽明以朱子窮至事物之理為偏屬知程子曰窮理 至善之所在如父止於慈子止於孝之類朱子曰或考 復誠不容已而非有意多事起後人之爭端也格物之 湯子遺書

無善無惡心之體而龍谿逐併意知物皆為無善無惡 戈後人不察或試朱子為支離或病陽明為虛寂皆未 或泛覽博觀弊精耗神本性汨沒於汗簡竹冊之中此 **親大學之全者也陽明以良知倡天下功信偉矣但言** 則不善學者之過陽明大聲疾呼拯其陷溺沂流窮源 亦未有不稽之往哲考之經傳逐能處之咸宜者也其 不得不歸咎朱子然究其為說正以救其流弊而非操 還兄弟以別還夫婦以信還朋友可謂真切簡當矣然

金元人口是 白雪里

卷五

之體有善有惡意之動此言本自精確而龍谿之言則 兢兢業業為天下後世處者誠遠也陽明無善無惡心 學始賴之以明此正示人以大本大原令其在在時時 斌庸陋無似得侍起居仰見先生動靜語黙無非道妙 恍惚茫蕩與禪學何異恐後學為其所誤君子未免歸 大三日里上日 咎陽明也愚陋之見不知有當否乞直示之 則覺有刺然不安者孟子因性善二字費無數精神正 在内黄寄上孫徵君先生書 湯子遺書

負真切指授之意別後三日至內黃語仲誠張進士任 責任之難接自此以後風夜砥礪斷不敢時刻稍解以 與君偽同訂理學宗傳挑燈商確常至夜分窺管之見 道之勇求道之切今日罕見其匹得此良友殊為欣慰 金万四届白書 不敢不竭但學識疎淺錯謬恐多為惴惴不安耳 不是過也更家提誨諄尊示之以體用之大全弱之以 一堂之上太和元氣朱公掞見程子如坐春風中景象 又上徵君先生書

警醒總是集義工夫有疎應事接物以至暗室屋漏 真精神不可磨滅然真精神正是戒慎不睹恐懼不聞 通一氣古聖賢千載而下光輝發越如日月經天正是 生千古下生千古總要復得本體與天命流通若稍有 念之動不合於義則此心不能快足而氣餒矣學者上 夾雜稍有隔礙稍有虧欠便不充満安能上下古今貫 忽度日未有精進功夫遇事拂亂不能做得主定痛自 春仲在夏峰承先生飲食教誨感何可言近覺從前您

湯子遣旨

去歲侍几杖甚家策勵別來修復一載未能專使脩候 莫救一念不謹遂成墮落爾室有愧夢寐難安孟子牛 學者讓第一等人不做做第二等便是自暴自棄然俗 山諸篇真令人如冷水澆背也 所生此道見得真自無歇手處孔子至七十從心所欲! 根習氣漸染日久時俗乖正抵當最難一事有失終身 不踰矩亦未當住手若說有住處便非乾健不息之體 新玩四样全書 | T 三上孫徵君先生書 **尽**; 五

有避地一 然此心遂為所動思以魯齊之賢當時河内有苛政惟 靜坐體察天理久之覺一 人視聽人心沟沟不能自安既挽回無術而又不能漢 如疾風陰霾不過一時即至變出不測亦自有道理處 |此心遂覺洒然拂逆之來漸漸不至擾亂至若游行 不動心何况今日總由見理不明故主心不定杜門 仰丞座不勝依依某賊質庸劣年來因敞州苛政駭 法既力不能為徒累心無益又思孔氏畏匡 切外事可驚可駭旨屬平常

學編某近苦經書訓註太繁論說不一 然因物付物之妙心甚企慕不知何以臻此也承諭洛 穿鑿不附會定為一編五經中易與春秋為難故先治 暫輟經書從事洛學但敞州書籍甚少恐有遺漏且義 其難者此非數年工夫不能草草脱稿今奉先生命欲 無心得欲斟酌先儒之說平心理會聖人立言之意不 自在獨往獨來斷斷不能每見先生事務繁沓天真港 例體裁未奉明示如有稿本乞發下麥酌庶可蚤竣事 雖反覆翻閱終

欽定四庫全書

卷五道書

蓋講學為已非為人也古人尊師取友豈徒為聲氣哉 某苦與曹厚遊魏環極諸先生遊稍稍聞其緒論謝病 講是吾憂也此道與師友講明一番則此心光明 學者亦未多見夾輔無人遂因循偷惰幾至淪落時 歸田實欲與同志共證斯道吾州英俊頗衆惜究心聖 猛省為之惕然蓋師友講習為益最多孔子曰學之不 th 與田簣山書 あた いん 一番

為好名不知立異好名誠學者之弊而本體不明工夫 欽定四庫全書 外求友四方中心嚮往惜所居稍遠不能時時請益恐 無序雖剽竊前言往行終是不著不察終不免為義襲 近世聖學不明談及學問便共非笑不以為立異即以 者幾不可問訓詁詞章固是害道而功利之害為甚今 不細細講明未免認賊作子足下篤學力行某遊歷中 人起一念舉一事微細追求未有不從功利起見者若 而取今世功利訓詁詞章之習陷溺人心天之所與我 卷五道書

志氣昏惰無人警策行年四十己非少肚可比實望足 **飲定四車全書** 巴也 故願與足下存此一 友之倫所以經緯夫四倫猶五行中之土五常中之信 孔子曰朋友信之面是退非非信也一毫不信非友也 君臣父子兄弟夫婦非朋友講明不能各盡其道故朋 下脱去形迹不時鞭策來州則設榻茅舍面賜指誨勿 | 亳情面即不能常會手札相商亦不得將就許可 ~ 一大倫勿如世俗但有朋友之名而 湯子遺書

疑辨惑絕無 每有會晤常草草錯過未獲實實考究身心與世之往 來徒了人事者無大差別遠如朱陸近如龍溪念卷析 答田深紫書 一章蓋藏我輩當體此意 ĸ БŁ

昨過華野連林對語水夜忘倦足下體道切深氣象光 與劉心周書

風霽月而論道真切怨至不作

脆薄正苦夾輔無人日就昏惰乃於同里同年中得同

體面浮游語弟骨力

次定四車全書 原 是義襲而取孔子日學之不講是吾憂也今人以講學 得本體工夫已在其中矣不然終是習不著行不察終 冒認八字著腳真實理會做工夫晦翁於象山之外不 實未了然之心含糊歸依不敢以實未凑泊之身將就 此道無古今無聖凡人人可以自盡然須先識本體識 再許人良有由也 志良友可以時常切磋何幸如之江村先生曰不敢以 答褚懷萬書 湯子遺書

朽者也報竣之後聞復駁回即向趙尉處取釣栗公閱 康齊白沙同為一編位置或亦不錯 聖學似難與考亭姚江並故孫先生列之明儒考中與 先生践履篇實與月川可相上下至於發明道體有功 為已非為人也古人尊師取友豈徒為聲氣哉胡敬齊 為立異好名不知師友講論一 册 事仰荷嘉意釐剔真利澤無窮睢士民街恩不 都守宋公書 一番則此心光明一番

e

Ŀ

Ł

畝約計小地十畝折行糧地八畝猶之州地之二畝折 畝其起科獨少大軍新增餘也三項總以三百步為 語則不能不寫有請者睢陽衛地共有四項曰大軍曰 同雖創始莫能詳求而奉行業已久遠此前代二百餘 仁言利溥不禁加額相慶吾睢何幸得執事直究利弊 **畝商丘等縣之或四畝折一** 增曰餘屯曰徭役弓口惟徭役以二百四十步為 源為吾脩子若孫計永久也獨至徭役大軍不折 畝或三畝折 畝之不

次至四草全等 一門

湯子遺書

皇清定馬來所率由而未改者追庚子辛丑問靈書能 是名為擠地年來追比不前逃亡相繼上以候官下以 年之遵循亦我 **號於衆曰大軍與徭役一同不折已奉本府明文矣竟** 故明謀密議处不肯盡行清楚今來釣票一言遂公然 而衛書華久靈其中視為利數擠地既久而說影愈便 病民幸執事母照破奸杜絕永弊真萬民更生之會也 影過多錢糧難敷遂有以大軍三項强作小畝派糧者 からひん 白草 赵丘

文とり早という 赤歷內註 尊切之意己於釣示令各項地畝概從舊例不得那 粉更庶里役 一續冊內小地十畝者赤歷內註 籍秦亂士民無所控想故敢合扎奉啓以 ·然之慈哀與釐 與地数皆 地 無以借口矣總之衛地自經丈量之後 可按籍而求除徭役一 好别獎之威心必不令處書假借 則從 湯子讀書 一前之 擠地自去而當 地八畝小 珂 外凡軍新餘 地 仰副見委 頏

將肆行徵派士民曉晓莫知府由某等深知執事較

|遺失果否出自無心總之不欲地畝清楚耳某等以為 報者責在花户已 額今何以处擠地而後足額此非能影之地多即續外餘地之 矣今竟有花户報冊在官而里書遺失無存者夫欺隐而不 本朝賦役全書額地額糧悉依故明之舊皆何以大畝而及 例自復在蠹書之言少曰依小畝則足額依舊例則 未報前屢奉明示令花户自首四鄰舉報不啻墨盡 額乔 人额不知地猶昔日之地 ]報而遺失者責在里書里書所司何事托言

金分四月月十

**漕米舊例官收官解去年蒙執事軫念気黎准解原徵** 九如三多之祝而已 於民生澤及干家恩流弈世州士民惟有焚香頂禮效 能影之地續外未報之地未有里書不知者總責里書 限清報期於大畝足額而止既無虧於國課復有利 一糧道張爾成書

次定四車至書

清銀發難役代買官吏省盤費之累士民免接濟之害

造福地方功德無量格外之恩何敢再望然今歲時勢

湯子遺書

堪再剥况目下協濟桃源派柳六萬隆冬守候河干顛連 能 欲另行賠補官吏無點金之術即追比原役而花費者不 身比比皆然若領銀到灘任意花費正額漕銀必至不敷 功令惟有差役買米一法耳凡兹胥役有何才識見利忘 判丁憂解任今歲吏目亦緣事斥逐衙官之署空然無 更有不同某誼切桑梓不能不再為禱籲也去歲止州 人萬不能官買矣外此里下代買既干 復還敲扑終屬無益若加派接濟則早蝗告災窮黎難

金り口

勞九屬受思無量惟州派柳六萬遵奉嚴機俱已星速 上納但稍數繁多限期迫促採辦運送晝夜拾据亦不 萬狀真仁人君子所惻然憫念者接濟之說固執事之 人工日日日 在上了 桃源協柳一事紫執事嘉惠躬黎就近沒殿省轉運之 将額銀解上發灘役代買庶胥役不得借端分費里甲 所嚴禁即時勢亦所萬萬不能者也伏气准照去歲例 不至重累即某伏處鄉間亦同農夫野老歌領弗該矣 與管河郡判馮公書 湯子遺書

復以見執事救助之功新派柳稍接續上納報完協工 告急似宜載運前去邓緩就急既以慰河臺西望之意 過客為通融而民間稍緩須史遂可免典妻衛子之去 之數既足仍補完河上舊稍以備萬一之用在執事不 兩便之道敢冒昧濟陳希賜採擇馬雅州舊有柳稍約 能給某等誼切急公反覆籌畫有一通融之術實官民 多分四库全書 不然限期逼迫勢難周轉鞭笞雖施亦鮮成效執事 四萬有奇久貯河干年來疏濬得宜宣房無恙今協工

棄物若一通融不但有益東工且本地收以新易陳之 大足四年 全等一 地父母之心諒必惻然動念也如曰枝稍各年派定不 之見不敢不竭伏惟既諾幸甚幸甚 防之計而舊數依然新陳較勝况士民孰無本心感恩 效執事福德鴻厚自是平成永賴即或培固堤堰為預 漸糜爛存之數年竟歸烏有誰非百姓脂膏何忍聽為 便 **圆報方街結不追姆躍散呼上納更自敏速某等窺管** 那移竊思枝稍與他項錢糧不同堆貯河濱日久亦 為子遺書 1

金贝巴尼 答耿亦夔書 白雪世 K ħ

體心體既明日用間只用提醒法使心常在莫令昏去 夫近裹著力非從事口耳者比愚以為學者當先明心 器也復承手教慮把持不定及事物留滯累心具見工 昨辱賜顧言下直截了當無葛藤回互之病真任道之

自無閒思雜慮不用把捉若把捉反添一念越見雜

個

力去提醒照管他便了不要苦著力著力則反不是合 使 本性若落離了戒懼內省何處討復性工夫打併此 承教檢得慎思一語時為照對具見工夫之密此道惟 心所謂存所謂收只是喚醒又曰學者常用提醒此心 次定四車全書 D 在人所不見處用功離了事親從兄處事接物何處討 一說觀之大要可覩矣 如日之升則羣邪自息他本自光明廣大只著此子 答耿亦夔書 湯子遺書 十五

前屢承手教知用力真切循環讀之不勝佩服吾輩處 金与电压 得失寸心知况心性之學乎 起萬滅之私愈不可治何由見寧貼時乎文章千古事 知之本體是天所賦我的能致知的本領亦是天所賦 得力處定靜安慮總由知止知止工夫在格物致知此 世無無事之時亦無皆如已意之事事物拂亂正學問 一路久久自有宇泰天空景象不然欲治私而萬 又答耿亦變書 1:17 卷丘

**突矣遠承慰存并既雙金即托友人寄之蘇門子完深** 大公物來而順應矣此事未可騰口說亦難速效 的但人不肯用力耳能致知則意可誠心可正廓然而 所至樞衣受業者甚聚倡明吾道非足下其誰望乎弟 足下道德文學為海內所宗齊魯西江壇站相望遊展 生天不怒遗已於乙卯之夏捐館含以時方多難即歸 材質寫下不能日承鞭策此中徒懷鬱鬱耳孫徵君先 ..... 答施愚山書 易子炭素 +

體擴而充之終日終身縣縣密密曾無渗漏何由對天 荷島誼感頌不容口子完樸實長者熱心為人多受人 實踐者少利欲之根難斷巧偽之術易工茍非識察本 造詩益深处有遺書可紹先哲足下自當為之表彰若 **員誠如白教可謂相知之深聞耕嚴先生即世此弟仰** 止數十年者不得一遂問字之願先生晚年道迹空山 欽定四庫全書 有付梓者求示一二施兄虹王工夫寫實有真精神鼓 動後學未易及也聞之不勝嚮往吾道衰頹總由躬行 Ņ

質人不愧不怍 古今無人我象山謂東西海有聖人出馬此心此理 言詳且盡矣又恵社藝九篇皆醇正雅當反覆讀之知 躍獨其文詞過恭若欲問道於盲者則何敢當此道無 舍弟西旋承寄手教紋性道大原歸於太極累累千餘 河洛之間復有如月川雲浦者出馬吾道之幸不勝喜 亡惧人一生惟年兄從直賜教千里如同堂也 答姚岳生書名爾 切聰明意見門面格套皆是的然日 易干起 同

應事接物無非天理流行此不是尋常摘句得來亦不 末則善矣來書引朱子言人須是於大原本上看得透 純熟自有得力處識得本體好做工夫做得工夫纔算 是空空思索可至必須日用倫常隨處體認天理久久 得於心證其所謂千聖同源者勿牽滯於文義訓詁之 沛然莫之能禦此言最為真確仁義禮智開眼便見則 仁義禮智每日開眼便見四字則世間道理若決江河 也千百世上下有聖人出馬此心此理同也學者处求 欽定四庫全書 卷五道書

為人耳 之感本體未明工夫無據即聞盡道理終屬門外漢周 來教慮外物牵泥私念起滅疑本真未透涵養未熟具 大正日年上日 一 本體先儒立論各有所重心之精微口不能言況筆之 子所謂太極豈徒索之天地陰陽乎亦證取人之所以 名儒辨晰極其精詳不為無功而分別過甚反滋後學 於書乎惟好學深思心知其意始為善領畧近代一 答姚岳生書 湯子遺書

之自見全體渾然物我無間時不可徒向古人窠臼作 愛親出於真誠久久純熟忽心量洞明悟性無礙遂覺 髙堂眉壽兄弟怡怡此人生最難得事於事親從兄之 亦未易滅此中主腦惟在必有事馬一句若丢卻必有 際時時要見真性發露推之應事接物處處著痛癢久 天地萬物為一體自此行住語點皆在覺體中足下今 事工夫萬起萬滅之私何由可止昔王心裔先生一念 見進脩之功愚意二者實兼有之外物亦不能却私意

金月四月月十

2

易天下君子原少上官豈能盡賢且人情難測我輩 诸君子諒其苦心公道循存然時至今日作善良非容 塵不染與利革弊造福百姓聞之殊為欣慰近聞均役 大三日日上上十一 足下正學强骨清操長才天下無其倫比涖任以來 紛華念頭纔起便當斷却 事本欲拯民困苦而守郡者斬為中傷之端賴洪都 場好話說過也初入道怕抵當流俗不過一 與李襄水書 湯子遺書 切世情

聖政日新比隆堯舜待選之人蘇集 來勿謂異己者非我華樂石也 露鋒鋩異日當國家大任不如不吐正在此時磨鍊出 故今之吏點弊去其太甚舉事必存小心循規蹈短無 民之心常切而事上之才常拙任事之意常盛而弭誇 多分四月子書 ) 術常疎萬口散騰之時忌者即從中而起往往然也 下猶念及告病官員令保舉起用 答廣文魏聞野書

感恐天下如程公者不可多得耳軍改一案本府駁語 無欺豈可得予州守程公愛賢重士卓有古風某听深 此典徒開天下奔競之門以此起用欲受職之後清白 皇上本意憐才而地方官不能相信遂至夤緣干求是 解遜亦是各盡其道難進易退古之人皆然何足怪也 德意保舉人才自是威舉被舉者不敢冒昧承當具呈 地方官仰承 皇上愛惜人才之至意古今罕親臣子何心其忍恝然

大三日奉 上

湯子遺書

二十

面哉總之臣子誼當報國地方官相信而故解之不可也 六十老翁美人生如白駒過隙安能枉道博一 所學何事十四年林下只如旦暮過此再十四年即 郡守一言此正某所以堅辭之意也出處大節三十年 太的簡乎古之人未嘗不欲仕也又惡不由其道承諭 隱隱為此既不能相信而欲茍且求一 有此事免其保舉竟行回銷似無甚難又承諭托人向 公難於具結某以為仍保舉則難於具結若以為 轉詳白處無乃 區區方

銀月四屋 有電

卷五

意五經四書字字從原本發揮令人惟不真識所謂性 用飲食而非粗淺也以聖道為高遠者或涉於虚空而 故以聖道為平實者多帶於形迹而不知聖道不離 所謂性而養自不敢諸語可稱透宗佩服無量某竊妄 處如是惟足下教之 來書云存心处實見所謂心而存亦不虚養性必真知 功令甚嚴地方官不相信而必强之亦不可也其之自 答張仲誠書

人にしりられたけ

湯子問打

=+

不 公四年全書 | 知聖人窮神知化而非虚空也就虚空者固茫無把

柄矣以日用飲食為道而不明原本則行不著智不察

用 得力握要處舉以示人即誠正功夫亦在内亦非世 重知遗行之說也凡真儒立言雖若偏主工夫俱包體 非若世人把持裝級之謂也陽明致良知第是就平日 有存養工夫在内故其言曰存養是主人省察是奴僕 何由上達天德乎程子之學在主敬此自己得力處原 惟大學中庸首章說得分明完全人真信得道不可

見者以先生今日所處似西行在所難已兵火之後撫 進易退固士君子之節而仕止久速又有非可用人意 廟堂當有一番久安長治規模非大賢不能任此且難 閩海又已廓清楚蜀荡平應在指日此番劫運既過 次定四車全書 一 聞足下遂動拂衣之與果爾使生民不得被大儒之澤 綏殘黎登之衽席亦我輩快事不知先生以為何如 須臭離何時可不戒懼何所容其襲取泰中近已大定 答字襄水書 湯子遺書

若事有難為奉身而退以威武不屈為高此亦一道 心大力足以弘濟時艱物望愈重鉅任將歸此一道也 界儘有苦心不可告之人者及事過險出人皆服其深 互用總以保固地方拯救殘黎為念古之君子當此境 不得者以義論之身在危疆委曲擔荷方圓並施經權 天理無一毫私心則進退皆道也出處二字非人所得 二者總內度之心而已矣進退所屬要徹底打算合乎 不可也然賢者出處關係世道天相國家恐有欲退 プロガタ 雪ー 卷五 th

朝夕請益當有心得此道不在多言惟時時刻刻將先 耿先生力任斯道河洛正傳為之大振不禁神往足下 與故某不敢為執一之論 通處是真主腦先聖先賢無閉言語句句是要義只被 千百年來皮膚訓詁埋沒令聖賢垂世立教宇字從誠 聖先賢言語反覆尋繹一一體會上身來久久得 再答姚岳生書 質

意中發出來的都晦昧不得顯現亦散漫不得歸

楊子遺書

次已日年七島

落驅放便有氣質自有知識以來各就氣質偏重處積 **此意見逞不得一些精采三語最為精當某謂人生** 矣去春復承教道本中庸作不得一些聰明執不得 前歲得讀為學六則平正精實次序分明已勒之座右 誘也觀夫子告自子與告子貢一貫者可識其古矣 不得師友惟得之難此理斯真為吾有故聖人循循善 以學者靠不得書冊却離不得書冊離不得師友亦靠 金月日月八日 答耿逸卷書

火足四年全等 不生矣而殀壽未能不貳凡此皆非真金經不得烈火 覺不及持夾雜隱伏消磨實非容易方自以為剛毅也 而中藏客氣自以為密察也而實多粘纏與人似恭敬 用事方可言學然習氣根株已深力量最大發不及覺 之意時有利心即不動矣而名心未必全消邀福之念 也而陪奉世情之意常多論事似持平也而依阿不斷 染成疾未易脱離必須消磨不使來機潛發本性得以 煅誠使日用動静盡是天命流行則本性自有明覺 湯子遺書 +

時見有善可還有過可改便是學問進益處此心不 某前礼請教中多率易之言所云日用動靜盡是天命 容易我輩只是懲念室欲遷善改過是切實用功處時 流行工夫純熟後當是如此明得盡查海都渾化談何 所夙夜仰止者不能時時就正為歉然耳 有光輝而非逞精采也先生有過人志行過人力量某 非作聪明也本性自有正見而非執意見也本性自 答耿逸卷書 ¥

父巴居有量

いんこうられた 理盡後方用涵養何時是涵養時窮理非空空窮理程 明又曰若不能存養只是說話又曰敬以直内是涵養 事接物而處其當皆窮理也又曰只整齊嚴肅則心便 甚的具見體認之精某思窮理工夫亦未易盡必待 臂歸庭自有日也承教未去窮理便說涵養却涵養個 子謂或讀書講明義理或論古今人物別其是非或應 令唇散亦不可躁迫如養鷹如馴雉只要耐心久之上 則自無匪僻之干此意但涵養久之則天理自然 湯子遺書 Ī

敬以立其本窮理以進其知二者不可偏廢使本立而 知益明知精而本益固二者亦互相發明固未嘗截然 析也程子云涵養須用敬進學則在致知朱子亦曰主 養二字看得空了故易流於虛寂窮理是零碎積累的 剑定四库全書 分先後也 工夫涵養是主宰本原的工夫固自無容等待無容分 事如此則涵養二字亦不得分在窮理前後今人把涵 答顧寧人書 **发** 五 八旦日三人二丁 風 若以某為可與言者感愧何如吾道之衰久矣得大力 第一有用儒者也後晤甫草元禮往往言與山史同某 前歲山史自關中見訪詢及交遊名賢即曰吳郡顧先 私心嚮往冀或旦暮遇之屏居丘園過從稀簡又足跡 之屬無不洞悉原麥坐而言起而可見諸行事真當今 闡明豈非斯人之幸承諭近日言學者溺於空虛無當 久不及四方度無從奉教左右一旦承先生手翰遠及 生品鳥學博國家與制郡邑掌故天文歷象河漕兵農 湯子遺書

邦而已言仁以視聽言動合禮為目為邦以虞夏商周 說所可假借陽明良知實從萬死一生得此把柄當時 聖賢之學非空虛無當也明矣至曰一贯曰無言總見 最中今日流弊竊謂孔門七十子稱顏子最為好學孔 確有實用今人不求所以致之之方而虛作一番光景 聖賢全體大用內外合一動靜無非道妙亦非虚空之 制度為準喟然一歎亦以博文約禮為夫子之善誘則 子所與終日言而不違者今論語所載不過問仁問為 表五

多片四库全書

錄盡讀之何時面聆台教聞所未聞乎 陽明也大刻精確有裡世道敬服敬服惜不能得日知 てこする 班無論矣陳永祚李延壽何可及哉近見人侈口備責 山蔚見示徐先生制義今又獲讀論學諸牘與足下所 玩弄故流弊無窮某妄謂今日無真紫陽亦未必有真 也弟庸腐無似濫竽史局執筆為之始知才力不逮馬 教行界徐先生一生學力具見於此誠後學所當盡心 與田簀山書 1.1. 湯子遺書 主

多近於自求便安故有所不敢若史事粗就即可乞身 前人皆坐不解事耳張先生抱影河濱三十年聲光俱 慮也衰病侵尋入春過甚史事全無頭緒而告歸者已 物甚多不敢遗漏無問於在內在外台意具悉無煩過 寂其躬行心得之妙豈外人所能及知但史目斷限尚 未議定即夏峰先生亦在商確正可相例也忠節門 八字必須百情刊落方能證取此非實歷過者不能知 不能俟其成也知行並進敬義夾持千聖心傳不外此

多定匹库全書 一

**卷**:

編謙讓過甚引考亭云云以為处有積於立言之先者 六月二十八日得接五月二十八日台函言及禮文之 聖賢妙諦不可作言語文字觀正以此耳 答田簣山書

然後可得而言又云是書雖以通俗為準必當上湖古

經以窮其源使人知禮所自來為吾日用之所不可缺

下酌時宜以浚其流使人於禮皆可盡不苦吾財力有

人三日子 白野

湯子遺書

所不能辨古哉言乎非有道者誰能為此此某之所以

草創規模為難至斟酌損益尚賴朋友文不必太與與 矣若慮其必敗而不為非有志之士所敢安也凡著書 明 逡巡而不敢任此某之所以謂非足下不足任也中州 所主驟難執持也即欲執持而譯之者衆卒亦變而從 之以禮自持學博綜而審權衡者足下之外有幾人乎 金月四月白書 之也倘如考亭言慮後日為此病敗則亦求勿敗而 吾夫子曰立於禮又曰不學禮無以立若平時未嘗講 旦臨事即平日知其不可者亦隨俗行之盖中無 表

誠則切足以感動 たこのはない 斗凡有進對皆國計民生賢才進退治道升降形闋至 先生道德經濟清操峻望朝廷倚為柱石士林仰如山 俗誰與砥乎亦可數也已 州幸有一好古東禮之君子而不能成此書則末流頹 之終以為非足下不能任願足下留意勿讓也不然吾 則人難晚也亦不必太繁繁則人難知要也某展轉思 上總憲魏環極先生書 湯子道書 ニナル

皇上亦嘉悦而留之君臣相信無間三代而後不多見也先 月以来未聞有巧論説議論紛紛近間有錢塘監生馮景 紳以及儒生不能盡明斯義以為翹首改足顏閒讓論而兩 生正色立朝百察嚴憚听謂猛虎在山教養為之不採固不 復辭司寇之命請留總憲以汲照自擬 皇上虚懷採納言無不從明良相遇天下拭目以觀太平近 天心 多厅四月白書 在係舉一二事糾參一二人遂足盡職掌稱報劾也而都下給

感古人听重若有聞不告非事大賢之道且非所以報 之道而委蛇順時非自任之誼威名難副晚節難保先 知已益自請留任為近代不經見之事故自處較難無 者某實聞之蒙先生下交二十餘年又辱薦贖知已之 御覽者料此言必不確而口語 籍籍至有公言於班行 致書臺下某未見其書云何又有云此書已達政府呈 次全四車 全書 生詳審之某不敢以此聞於人也 再拜他官之理而總憲非久居之地壯往直遂非大臣 湯子遺書

前榮任朱襄即奉德音旋應 重り口匠 召北上未得一晤清輝抱歉殊深敏修入都盛稱足 答劉叔續書

實不然也竊害負沒百門側聞緒論學者首在志道

泉與漁樵為伍時人以為淡於名利似稍知道者其

候乃遠承手翰謙沖過甚令弟致命再三嫌於自外

敢不仰承高誼僕學無原本疎懶自廢二十年林

下持躬教士渠矱卓然日切仰止長安鹿鹿未得修

胡安定曹月川豈具人任君子思不出其位母以宿齊 信惟要有真精神鼓勵多士東桑具存必有賢者應之 **濺履寫實學極淵邃此皆可與夾輔進德十室必有忠** 先型以身為教敏修刻志躬行精進匪懈敞州田梁紫 在致知此入道真訣也惟在細心體認今師道久廢膠 為不可蹈其功在主敬窮理程子曰涵養須用敬進學 而遺利重内而輕外以聖賢大道為必當由異端邪徑 虚設士風日頹振興匪易柘邑素習近古足下一稟

次定四車全書 一人

湯子遺書

講過終與自已無益也僕生平不敢為此學以為今天 冷局視為不足為與世俗同類相效也講學只在當 **听處之地形處之時舍此而談空說悟直作** 有商量處耳 主敬程子曰整齊嚴肅則心便一一則自無匪僻 仲誠先生在京時常晤對其學真腳踏實地其要在 大病總坐一 與 劉叔續書 偽字有來相問者惟欲先去此字然後 好話頭

次定四草全等 一 戊申承先生賜證人會語又得讀戴山遺書知吾道真 當代真儒也惜仲誠不免西川之行西川當有賢者待 其陷鑄不獨殘黎沐德化也士君子行止皆闢天意非 人所能為也 於易學有心得不依傍前人制行皆端方確有把柄此 干只纔整齊處便是天理別無天理只常常整頓思慮 此一段是仲誠得力處仲誠與崔玉階先生皆精 答黄太冲書 湯子遊書 =+=

為可與聞斯道者某何幸得此於先生哉竊以學者要 在力行今之講學者祇是説問話耳诋毀先儒爭長競 遂夙昔之願乃蒙主一惠然遠臨台函眷爱慇慇若以 之巨海吾黨之斗杓也承之試事擬撒棘後一登龍門 大禹導山尊水脈絡分明事功文章經緯燦然真儒林 傳寶在先生當時渡江匆匆未得面晤至今歉然戊午 開四方藏書大至獨先生著述弘富一代理學之傳如 入都於葉認卷處讀待訪錄見先生經世實學史局既 おも

金贝口尼

白草

次已日日本 t 山從嚴毅清苦中發為光風霽月學問鎮密而平實人 欺之病如寸隙當限江湖可決切至之言也先生曰敢 生曰心體是圓滿的忽有物以櫻之便覺有虧欠處自 好會如此即推奉先儒與武段先儒皆無當也敢山先 體驗天命流行何由上達天德何由與千古聖賢點相 短原未見先儒真面目學者不從日用倫常躬行實踐 一書真有途轍可循不患不至上達此善論蕺山者 湯子遺書 ====

**諍維持國體保護正人世道人心補益弘多其學辨析** 骨鯁清直似汲長孺雖未盡其用而大疑大案據經廷 **蕺山先生忠誠憂國似司馬君實奏對詳明似陸敬與** 多员四母全書 與黄太沖書 **茂**.

樹立壇輝雷同附和不知身心安順何地深懼吾道

義理之幾微究極天人之與突此孔孟之真傳源洛之

派也學路久迷事事皆為奔走替利之場試機先儒

嫡

榛雖勉自砒礪獨行寡助如瞽者之倀倀無所適伏

時賜指南加以鞭策倘有所進飲水思源敢忘所自 答陸稼書書

其堂與不當又自闢門户此不易之定論也再讀學術 先生正學清德僕私心嚮慕久矣來諭云孔孟之道至 辨云天下有立教之弊有末學之弊又云涇陽景逸未 朱子而大明學者但患其不行不患其不明但當求

先儒是誠有之然有説馬僕少無師承長而荒廢茫無 能盡脱姚江之藩籬皆極精當獨謂僕不欲學者诋毀

湯子遺書

三 十 四

火足马事在時

悔之反覆審擇知程朱為吾儒正宗欲求孔孟之道而 漪 相 所學雖未能望程朱之門牆而不敢有他途之歸若夫 之不遺餘力然海内學術澆漓日甚其故何與蓋天下 姚 不由程朱猶航斷港絕潢而望至於海必不可得矣故 《尚以偽久矣巨公倡之於上隨聲附和者多更有況 江之學嘉隆以來幾遍天下近有一二巨公倡言排 知竊當泛濫諸家妄有論說其後學稍進心稍細甚 利然之場毀棄坊隅節行虧喪者亦皆著書鏤版肆

多为口居台灣

未有如今之專以謾罵為能者也或曰孟子當關楊墨 時忌其功名今何為也責人者貴服人之心自古講學 快其筆古用心亦欠光明矣當年桂文襄之流不過同 直聖賢惡之惟如孟子所謂不得已者可也學術精微 未當探討功業昭著未易試誣而發隱微無據之私以 **居鄉居家隱微之私以是居衛道閑邪之功夫許以為** 不見姚江之書連篇累牘無一字發明學術但扶摘其 口譏彈曰吾將以趨時局也亦有心未究朱程之理目

次主四車全等 一

湯子遺書

-+ T 孟子曰今之與楊墨辨者如追放豚既入其益又從而 學術不足繼孔子而徒日告於人曰楊墨無父無君也 奉獸食人也恐無以服楊墨之心而熄其方張之談矣 知言養氣性善盡心之學為能發明聖人之藴也蓋有 矣楊墨何至無父無君孟子必究其流弊而極言之此 金りでん 所以為孟子者而後能闘楊墨熄邪説閑先聖之道若 楊墨否姑未暇論竊以謂孟子得孔子之心傳者以其 聖賢衛道之苦心也何怪今之君子與夫陽明之果為 とうこと 卷五

崇仁義賤功利而但與如追放豚之流相頡頏馬其亦 傳於今者獨賴有孟子爾今不務為孟子之知言養氣 隻字之存則其不足為輕重可知也然則楊墨之道不 招之則知當日之與楊墨辨者亦不乏人矣今無片言 竊謂陽明之舐朱子陽明之大罪過也於朱子何損 毀先儒莫陽明若也今亦點夫诋毀先儒者爾庸何傷 人功業文章未能望陽明之萬一而止效法其罪過 不自重也已來諭曰陽明當几朱子於洪水猛獸是試 ちたいした

欽定四庫全書 聖學之有真也而翻然從之若曰能謾罵者即程朱之 哀樂必求中節視聽言動必求合禮子臣弟友必求盡 之不敢誠作陽明者以為欲明程朱之道者當心程朱 洙泗之堂矣非僕所敢信也僕年已衰暮學不加進寶 徒則毀棄坊隅節行虧喪者但能鼓其狂舌皆將俎豆 分久之人心咸字聲應自衆即寫信陽明者亦曉然知 之心學程朱之學窮理必極其精居敬必極其至喜怒 **两口角罵何益之有恐朱子亦不樂有此報復矣故僕** 卷五卷章

與天地萬物同體日用之間四端隨時發見但存養功 先儒之說時悟時悔靜坐久之覺喜怒哀樂未發時真 某少遭喪亂學無師傳入仕與曹厚養先生同直史館 深 得承指示年少心粗方留意詞章未能窮究根柢泛濫 未敢漫然附和也 有所見然後徐出数言以就正海内君子未晚此時正 自愧惟願點自體勘求不愧先賢或天稍假以年果 答友論學書 男子 りょう : 1

| 欽定四庫全書 當恭賀也亦聞文章素稱最盛而亦弊數也以其庸碌 作 從本原透徹不從存養得力將先儒真切指示之言都 疎故擴充無力濂溪以來師友授受原有真傳秘古不 閱北聞題名錄知令五弟介山高捷不勝雀躍俟入都 畛域所言非所見所見非所履亦可怪也 人心不知天之所與我者何在徒襲取先儒形貌妄分 影響混過何由融會質通近世功利詞章之學陷溺 與宋牧仲書 卷五道書

約断不敢一事相干瀆公莚之外無私會也無私札也 心或主司貧苦氣類偶相感觸耳出聞後與無軍諸公 聞之殊不自安天下才人原不盡在孙寒某亦何所容 黎養不充之士榜下皆嘖嘖稱數言此科孙寒吐氣某 數有限不能無遺珠之數而入殼者皆苦志芸題且多 半月且瘧疾大作不敢言勞每日漏下四鼓始休雖額 にこう え 然覺中費盡心力費盡脣舌卷數八千二百有餘限以 \. ! ] 湯子遺書 ニナヘ

切斯任同考諸公廣文幾半且年皆遲暮與此道光

詢之學使言往科亦有不候親供之例遂與撫軍言於九 諸公未敢一字相候乞為道意 浙中例候舉人親供全始解卷舉人有遠者一時不能至 先生選學弘才為中朝領袖項者入境大疏具見振刷 使之大客也某離家三載老母年高借便歸省于子老 月廿日解卷某遂於廿二日遣牌廿五日登舟矣此某奉 入都匆匆漫陳一二乞賜垂照敝衙門諸先生與同鄉 答閩撫金惊存書

多定四库全書

大三日草 上 實政公恕嚴明兼而有之長安道上無不數服竊以今 倍為親切綢繆經畫期於盡善封疆重任惟謀久遠 阻 七閩為甚大賢風示於上白應丕變然事有難為不無 至尊明見萬里廟算弘深迥出恒人意表但身在地方 改易也海上善後之策為今日第一要務 自有漸惟大端既正風行草偃不勞而成固不处事 日吏治壞極百姓苦極有司亦困極不但七聞為然而 **破要在大力深心且須去泰去甚從來化否為泰固** 湯子遺書 三十九

在鋪張 每只巴屋 白量 K A

姚宋韓范併於一身非先生不可耳 聖主緩台衡之命暫界南服宵旰籌度良有深意固知

衡 向於鄉抄讀大疏以為漢之汲長獨唐之張曲江於 再 見國有直臣社稷之福傾心向慕晤教無從近者 三晉人頌歐陽某於各省學憲概不敢以 不敢破例達尺素於左右然有一事欲聞於大君子 與楊筠涓書 一丞 相通 今

事 之前藏之智中逡巡而不敢者數矣既而思之若於試 本自性成言規行矩非由矯節筮任常熟惠政洽於 從來未有部議還職再補南漳地最荒殘境逼巨寇招 撫流移訓 旛 心以惟科政拙例當左官士民千里指關號泣請留舉 聞也趙城同宗諱家相字泰瞻已五進士孝友亷 相 相干沙則斷斷不可若闡揚潜德或亦大君子之所 約翰納恐後數載逋賦一朝報竣三吳縉紳 練鄉男養民教士具有成績督撫擬舉卓異 歎為 介

欽定四庫全書 長安道上有稱頌足下新政者未得其詳既而知立義 惟冀博採與論慎而行之幸甚 俎豆鄉賢使後人有所於式實大典之光也門作良微 儒者之卓行古者鄉先生殁而祭於社若斯人者以之 恐無由達之執事某知之最深故敢為發微闡此之舉 不達家徒壁立惟訓迪後進敦尚躬行誠盛世之循良 而尊鱸與思遽賦歸來居鄉杜門却掃絕跡公府宦 與王抑仲書 湯子遺書 既

書最善入人化俗為易婦人女子皆能於變真快事也 學鄉約義倉保甲四事頗費苦心雖寮友承行不能盡 學七十餘處從學弟子六七百人近且重農積較水旱 半載之後似當課以孝經小學近世人才不古若只為 如鄙意然亦有效可覩矣足下學有源本才足經世今 道之本近日長吏不講久矣某昔承之潼關亦力行社 有備此漢代循良所為何幸於今日見之教養二字王 日乃兼善天下之始也聞以呂司寇公諸書課子弟此

欽定四庫全書 内召梓里籍榮翹望翹望 賢才不擇地而生特振與無人遂就頹廢耳此亦天意 親民之吏慈惠為上民既嚮風威嚴宜弛愚者千慮或 之所甚惜也更聞勇於拔雄疾惡過嚴此自初政宜然 正學三年之間當有大賢出而應之有功吾道不小也 採治行卓異不拘俸次旦晚 段工夫就中擇其才可大成者進以經書講明 與宋牧仲書 卷五遗書

奥頌 都 次足口車在馬 高深且衰年多病風雨寒暑不輟豈能勝任 内廷學術疎陋何能仰 耗盡不意孫屺老榮轉閣學某濫叨 繁而處之若簡民詐而馭之以誠在足下固自裕如然 新命同張素老進講 努力加餐實所願也某才本駕下年來史事浩繁心血 門奉送台旌遂如三秋足下肚猷偉略為三輔屏藩 新洋洋盈耳吏從冰上人在鏡中請以相贈 湯子遺書 助 四 十 二

難 長安晤對退而自喜不謂斯世復見襲黃別後音問陳 步履急欲買 聖主思深不敢控辭足下何以教我兹因小价領米之 者可與言情乎笑笑 便奉候與居附有請者目下盛暑每日進講瀛臺苦於 一小而剔者俟置得即還上借乗之風在春秋已歎其 朋友與共子路以之明志或世人以為不易者而賢 與杞縣令王慎齊書 一脚力不得妥當廏中良驥处多求暫借

多只口唇台書

卷五

地方之関典也伏望與紳士公議勒片石以誌不朽此 大三日中人生了! 近世所視為迂闊不足為而先儒以為知務也伏惟車 篤念賢裔扶植衰微古道於今非大君子其誰望乎 昆相見京師接其言論朴誠可掬令人想見名賢家法 聖朝表勵忠節卓冠百王文烈公既荷旌恤輝煌史冊 彪炳宇宙後嗣守其家學閉戶甘貧文行可稱自孫忠 闊時切懷想偶有便鴻附候與居劉文烈公理學節義 四十年來墓碑未立後人過之竟不知有斯人之墓亦 湯子遺書 ヤナニ

察馬 鱼牙四周白星 答沈芷岸書 卷五

聖恩簡授中私從此積學樹品大用可期不佞得以 耿於懷也今春閱邱抄知酉闡得雋者六人而足下拔 **幟先登曷勝於躍更獨荷** 

場聞見繁難最易搖惑三門急湍砥柱良難足下識力

日之雅籍光無既然初入仕途擇守宜慎長安名利

去冬匆匆

**晤未得罄展積悃别後企望雲帆不禁耿** 

堅定宜静重養望勿逐時好相競躁追前華典型昭然 座右銘也幸勉旃而已 可見署中堂聯人重官非官重人徳勝才毋才勝徳真 答王世兄書

某謬以庸非處第一繁難之地救過不遑惟恪遵 功令風夜不怠天鑒民瞻時凛於懷一載有餘未當敢與

大臣り事と 何敢以已所不欲施之於人且自破藩籬将来何以自 鄉士大夫以書礼相通吳中多貴遊亦無以私相干者某 湯子遺書

四十四

特簡學使一時諸臣無不爭自濯磨况貴鄉以名元賢 聖主振與文教 處故萬萬不敢也今 金分四月百十

當宁之心士君子苦志誦讀自能邀其鑒拔若稍存他 念則志意不立文筆必弱反失之矣故惟患學業不精 侍御處孔孟之國自當一東至公洗從前之陋副

不患有司不明專心致志不為說遇聖賢之道實實在 此某年来於千辛萬苦中頗有得力見此理頗明因感

所移也 師恩不敢不以實告惟世兄稍賜垂察母為世俗之言 與魯敬侯書

山中歲月未可虚度潜心經史務求明體適用濂洛以

大王日臣 1:35 學有淵源虚心請教必有所得古小學先儒講學之地 風俗是第一要務但要實從立德明道起念勿存聲氣 也與同志君子相商與復士大夫居鄉與學立教變化 來大儒之書細細窮完戴山先生典型尚在梨洲定卷 為子遺書 179 15 15

遠接手教仰見大君子慎始圖終大業出於小心非時 實有厚望故敢畧陳其愚 名譽私見成已成物皆性分中事不可錯過此生員天 大夫以古道自持不隨流俗者如足下蓋不多見不佞 不要緩讓第一等人不做做第二等便是無志今世士 礪 地生成之德也子閎端品清脩真誠君子正當交相 以聖賢相期士立志要高不要早要定不要雜要堅 答孫屺瞻侍郎書

多丘四库全書

皇上南巡親見下民婦子田廬皆處洪濤之中真若恫 輩漫無遠謀者所可同日而語某愚昧無識未當久習 為巨壑矣 **蹔時之漕不為水求歸宿之處遂以七州縣城郭田廬** 故道漕隄潰決因而閘壩多開止求洩上流之水以安 **痰在身真天地覆載之心也即充舜之憂勞洪水大禹** 壅塞然海口之塞匪自近年祇因上流不治河淮失其 河務然既承下問不敢不竭鄙見下河之患固在海口

المامل المامل المامل المامل

湯子遺書

四十六

安東等處皆入海之路潘印川減水壩俱建於河北岸 皇上之意固專在民生然漕運久遠之計實不出此益 舒定四库全書 欲其從灌口入海也今南岸減水閘壩之水安歸乎歸 天下水未有不以海為歸者黄河北岸減水壩由沭陽 大忌浮議沸騰而不敢輕開尺寸者而今竟開六壩 洪澤湖耳淮湖之水日增日漲河流帶沙湖底漸高清 之飢溺由已何能加馬今欲開海口以治下河 口太狹則湖逼高堰告潘印川用高堰逼淮刷黄寧犯

則 故又開一百餘丈之滾水以洩之其意以為漕隄不潰 人上日日日十七十二 運久遠之計也今欲閉漕隄之壩必先開高堰之壩高 海口治下河非但救七州縣之民命已也實所以為漕 之源將來水無所容一線漕是勢处大壞由此言之開 **開矣更加以三十六湖之水盡注漕河漕隄安得不危** 堰之壩不能全閉欲閉高堰六壩之二三处先塞黄河 河之地有限而上流之來水無窮以有限之地供無窮 河臣之事畢矣七州縣之民命可無問也獨不思下 湯子遺書 四十七

能盈乎此上河之可愿者也河督之堅執不移者不過 将來正河運道不有於塞之處乎又印川之減水壩比 清河南北減水壩三十餘座水分則流緩流緩則沙停 南岸之間壩黄河南岸有毛成舖北岸有大谷山徐城 **隄稍早二三尺耳今與地平矣昔云歸漕者常盈今何** 澤湖之泛濫墊淤且留以蓄水刷沙乎自碭山以下至 以開閘開壩費帑金無算今日可塞昔日何以誤開恐 可無患矣王家山以下一路減水閘壩不可稍閉免洪

多分口用白書

卷五

有從而議其後者耳愚因於會議向中堂九卿言之治 計民生圖久遠之策此出自誠心而不謂河督之堅執 應用麥茂桂附者用麥茂桂附各有其宜歸於愈病而 之用補歸咎於前日之誤洩昔日開壩以保隄也今日 巳此言實有至理亦欲河督開豁疑衷從長計議為國 塞壩以刷沙也猶先應用大黄芒硝者用大黄芒硝後 如故也然今日下河工程當在范公隄外此非壩水所 如治病因病立方補洩隨時難以執一不得以後日 シート ときとう

內地水當漸淺河湖舊形當漸露再尋訪所謂射陽德 欽定四庫全書 能到也但於石砫丁溪二口開通一二處則浮水可去 難凑手耳若諸事凑手即當盡心嚴督工程勿惡浮議 勝平望喜鵲諸湖舊迹而以閘壩之水開引河以歸 禹治水亦不過如此若曰一 再由湖歸河以入新開海口條分縷析脈絡分明即大 塞而在地方官不肯盡心相助呼應不靈人夫物料恐 平陸馬萬萬無是理也故目下不在減水壩之塞與不 開海口而遂使下河盡為

清月北西

皇上神聖不世出之主滇點閩粵指顧荡平海外自古 成局持堅忍不拔之志如行兵然當有定算偶爾勝負 成大功者小小順意不足喜小小拂意不足懼惟先定 生親身閱歷之言故鑿鑿如此非如他人紙上談兵也 可以不開矣前讀大疏斷無海水高於內地之事此先 河苦水久矣今歲之旱乃偶然耳若盡如今歲則海口 何足憂喜如弈養然當爭全局一著二著何足較量 言便見治下河定算矣 易子覧書 7

聖主之心能宴然而已乎故減水壩不可塞則海口更 欽定四庫全書 生斷然持之耳其以為成功可操為而待也 聖心特遣部堂為臣子阻撓而罷以為 殘黎發自 來歸附豈淮楊近地開一二湮廢之河道以救數城之 不 可不開下河之水愈大則開海口之功亦愈大惟先 (版圖之地皆立都縣漢唐以來從未臣服之國盡 與王似齊書

覧 可妄列邑人之末幸為改去是所望也 人代作聞把縣碑文借不佞出名寒家無寸土在把豈 不在語言文字之間惟於倫理身心無愧無作便是聖 之有自也項札至詢為學之要見足下立志不凡為學 足下有體有用不佞所深爱客冬晤尊公知足下家學 路足下勉之不佞生平從不代人作文亦未當情

钦 主四草全

湯子遺書

_		 	 		-	
-	湯子遺書卷五					おりんせん とこう
T- 1						卷五

火足四年全等 昭黄帝聽合宫五行較著南正司天北正司地重黎釐 勤民之本而法天實凝命之原自容成定握算六術已 歷之文朝廷之政令未施奉若之儀規先備盖敬天即 臣聞莫英初生古帝識明時之義澤火成象大易垂治 欽定四庫全書 湯子遺書卷六 賦 **踏機玉街賦有序** 頌 論 辨 湯子遺書 工部尚書湯斌撰

製躔度窥於寸管星文運於園機聚山澤之精華極人 統元之誤以建申為建玄魯人之月令無憑以食卯併 工之賁飾誠授時之要術步歷之宏規也然而至德難 職於陰陽陽谷侯春昧谷侯秋羲和致嚴於分至莫不 食辰齊廷之度數何好太初歷稱邃密壽王猶議其非 哲有其數而無其器難成稽察之功尚考虞書聿垂偉 聞成模漸戰精思罕遇不無章會之訛參驗或清遂有 仰觀俯察上律旁羅然存其理而缺其儀未盡觀占之

金号中居台灣

**乾象析號精深韓湖尚指其短固由天行之難定實亦** 歲書太史大章舎譽日紀靈臺乃復上稽典謨究明遺 宥密謹亦保而亦臨時憲之歷久頌永年之法新勒合 乾夕惕奮迅象乎風雷道在欽崇凜曰明而曰旦功深 皇上履端建極麗正凝神日就月將光華協於天地朝 制度之未精觀會通於古今應彰明於 昭代恭惟 元會運世之終始辨五十二家之殘叢將見合璧聯珠

人三日日 人

湯子遺書

憲旁招庶士敷奏宏詞將假翰藻而明三才籍筆泉而 獻 協五紀 臣問窺理數素昧天人幸際昌辰敢辭無陋謹 多定四庫全書| 赋曰 卷六

緬 建 之正色渺終古而左旋疇轉輪而不息羅萬象於周 極 鴻濛之初闢邈莫知其紀極仰遼廓而無垠識蒼蒼 紐於南北三垣表內外之宫庭列宿畫中原之

迴

園九重兮誰管里九萬兮孰測維遂古之神靈肇觀

蘇紹放熟之巍巍初受終於文祖乃躬攬夫萬幾方類 大三日年公野 足誇其燭光夸父無由效其駿奔至夫繼離宵曜夜光 易昏居牵牛而一陽來復舍降婁而春風易温龍山未 本天治人而不違若夫魁衡招搖之密運陰陽寒暑之 潜移非参稽之不爽何庶績之咸熙矧乃天雞晓唱曦 察而效法其精微亦猶七十載之光被四表其功用惟 裡之未舉首中命於街機蓋執中以體會於淵穆自觀 馭晝跋朝浴滄海夕耀崑崙景近極而炎暑景遠極而 湯子遺書

其機樞何以測算不失於晦朔氣數固愆於盈虛惟至 融 信薄食之有常乃伏見之難泥初偶垂於累黍久漸易 两 人德合養昊制準乾圖璣運外而規園街當軸而虚中 而周天或累年而遷次或方進而復留或既分而忽會 東義裝感主禮辰緯藏智惟填司信位王四季或期歲 風日退度於十三遂置閏而成功再如木德行仁太白 礘 極相望於直距九行環繞夫紫宫大梁實沈之周列 胸 **朓警闕肚魄示沖應潮汐之消長從箕畢而** 

J

四月子書

长

次已日華全里 儀度不愆烈風雷雨而僣忒不譏飾以弘瑶綴以美璣 途而同歸後若甚弘子韋之探隨索隱梓慎禪竈之 **琦壁精瑩雲霞之色可挹夜光璀璨星宿之芒依稀雖** 作南訛畢協於節序攝提孟陬宛肖夫天心隨波降升 熟首熟尾之麗空四遊兩環定經緯表裏之準三辰六 曰以管窺天何能持小而測大要之因衝察象實可殊 合挈卯酉子午之鍼運遲離於晷刻轉造化於尺尋東 昭回之銀漢與日環遠象靈鳥之远飛畫晦重陰而 湯子遺書

成規遂可察氣數而合營穹豈若倚蓋彈丸蟻旋磨轉 削蓮花以傳箭或断極以盤龍龍能不祖奧古而述 華敷衍而不窮或造輪扇而刻木或倚渾儀而鑄銅或 術家之微渺無聞法象之探索猶淺彼張衡之藻翰稱 之術密宋元則沈括守敬之業崇其用器也踵事而增 之觀星候氣尹阜吳範之視日觇風漢唐則壽昌一行 工洛下之經畫推善靈憲之圖書猶存歲差之考稽難 渺窮工殷周之巫咸史佚魏齊之石氏甘公王朔唐昧

金贝巴

屋台潭

**欽定四車全書** 龔野漫漫燕雲莽莽樓煩之碧岫崚嶒易水之洪濤沆 敬抽毫而作賦若身隨皋夔之班而遊唐虞之世 角不忒煌煌乎執大象而撫地中面稽天若卜年萬億 感常扶陽而抑陰更緩刑而尚德雨暢寒燠若其序歲 月日星順其職皇猷王潤而東壁聯輝帝典金清而左 金臺懷古賦館課 湯子遺書 A

**幽顯是以帝王俯察入事仰觀天則時幾必勅視聽母** 

好損益適宜縮融合撰足以驗同氣於天人通至誠於

燕趙雄武西遠秦雲東平海霧戈鈍如鱗旌雄如雨 向秋埜之蒼花對寒流之漫漫尋昭王之遺跡懷昌國 誠帝王之都會豈霸主之封疆乃若朝陽門外桑乾河 邊如雪白沙如山碧岸崗陂陁而半留路逶迤而中斷 漭北走紫塞鴈門南通恒霍上黨施以漕渠軸以太行 千金市駿郭隗館綿樂生珮印鳳不及棲麟不暇伏谷 已俯崤函而淺衡湘誚稷下而陋蒙羽且其百里求賢 而浩歎不辨黃金之臺馬知碣石之館當其戰國紛紜 固

分うじんと言

臺陳大呂於元英返故馬於磨室植文篁於薊城至於 萬東顧分駐絲騎旌布翔分進瑶瓊故能設質器於寧 軾錦車而前鶩驅魚軒而繼蹤乃飛閣宏敞髙榭峥嵘 暫起百卉凄蒼霜封野樹鴻為南翔則有肚士於邑俠 疑竒計之臣實為謀而不終應感慨於斯晨若乃秋 臨淄有如霆之卒邯鄲有執帶之實既利有功之印遂 無越蘭嶺無秀前於是謝禮義之干櫓閱武騎之朝 火三日豆 **魁壘珮長劍之陸離冠切雲之崔嵬憑王砌而啼** A. 1. 1 湯子遺書 風 衝

望山雲而 纓公子殿省名流荒郊樽酒南陌輕艛看渾河而似帶 **鳶山有白鶴曲士升為島賢負郭曾霸圖之不** 嗚 陵之夜 漏空留荒苑之宿霜過之者不思居之者已忘 霄飛雨銅雀鳳皇玉階金閮雕柱錦牆煇煌乎嶽瀆照 臨青松而浩悅長嘯兮撫碧空短歌兮凌滄海亦有簪 曜 乎清漳不過歌舞之美麗非有賢俊之遗光祇響平 呼鏡鼓齊鳴簫韶零落騏驥奔馳駕駘纓絡庭有鳥 如 樓撫 石嶙 而 惆 **悵悲望諸之不留豈若凌** 

錫兌

匹庫

全書

欠百日年 八五丁 黃扉日麗實笈雲開帝座之光華正爆東壁之淑氣迎 教哉 愛非常之實則亦有抵玉驚禽揮金雜草凡子鄰斗 雲門之程篇蘭臺石渠之髙楹白虎天禄之廣幕聖泽 雲飛皇思露瀬英華肆浮麟鳳當道不藏無用之器不 望乎鄅洛岩夫伊傅為楫周名為鐸吟白駒之雅詩奏 之光輝通天漢之波濤又何必徘徊幽咽向兹臺而游 懋勤殿賦擬 館課 湯子遺書

我 金月四月全書 来道行圖書法象觀乎天地學深墳典奮迅擬乎風雷

皇上歧嶷敬客麗正凝神本精一以立皇極建中和而定 羣倫納諫不遺對非招賢易及隱淪武庫森嚴撻伐悉遵

楓宸固已樹儀型於百辟貞仁壽於千春若夫煩太乙之 廟算九功歌敘民隱日達

**喬皇曜勾陳之暉麗黃雲紫益輪困鬱其上浮蘭肥金莖** 

瀾 渺翔於天際珠宫貝閱複道斜通銀筋璇題交衙追

鳳扇影徐名儒招從白虎大雅延自石渠完道系於洙 帙於東廂犀鐵重積玉軸焜煌未足於宛委之實册何 組幔於棼榾重綺錦於虹梁甲帳之月光如雪秘幄之芸 飛重簷以切霞炯丹壁而流隸龍舸泛萬頃澄瀾長楊帶 須論天禄之藴翭當夫金門朝罷宣政宴除鸞佩聲遠 火生香瑶涵左列竹素盈牀五庫標目於西清四類充 乃廣闢別殿宏貯縹網鴻濛矗而竦峙觚稜啟而景彰結 干章 蓊翳斯叉足奠六鰲而鞏四極應三垣而馭五緯 爾

於定四車 全書

湯子遺書

釋皐陶之計謨既朝乾而夕惕復無倦而有恒顧民暑 雲氣芝英之簡淵浮岳峙之觀漢武望而廢牘章帝顏 以嘉名別夫歌叶雅頌文儷語盤懸鍼倒薤戲鴻騰鸞 治人斯有治法深切著明斯乃懋勤之實政匪僅肇錫 四證心法於唐虞無黨無偏聞維皇之敷錫天秩天叙 史之陳詩第羣臣之嘉頌而時幾勅命祁暑思艱心遊 而報翰以此東泰運而御六龍映晨光而朔五鳳采太 之可畏識當位之利貞尊所聞而行所知高明光大有

自与电声

與萬舞成備 農野道於先天夜如何其夜未聞瑤編萬卷寶炬殘流 次定四单全書 碧雞金馬之修祀無勞蒟醬撞華之輸將遂易百禮具 教敷宣天威遐被都護方開劍閣雲將軍已定三湘地 章長樂未央凌霄飛雨茝若披香九華仁壽百福靈光 以飾璫祗矜制度之煒煜何敢希道德之輝光况乎文 列芬橑以布翼荷楝桴而高驟雕玉填以居楹裁金壁 月瞳瞳兮素華滿北丰低昂兮殿閣寒豈比夫甘泉暉 Ī 湯子遺書

住望 滄海而 鹽延根彌固於華岱直 燒燒而造天雲中 皇情悦愉羣臣既醉降絪縕調元氣阜財解愠薄賦寬 維 聖主做敢自託於王褒 朴 徭踰於穆之緝熙耳擊壤之歌謠天下棄偽而返本敦 氣乎坤乾環九州而縣絡類枝柯之敷宣仰北條之弗 金りて 與圖之廣大山川鬱紆而蜿蜒實融結於太始乃通 而去澆追太始之元化偕華胥而逍遙謹擒解而 ŀ 長白山賦 1. ... 頌

疑帶或上骨而似 玉液分派飛泉鴨綠南迴而浩荡混同北遠而澶溪若 若幛既半散而照爛輝天圖之閱閱背藏太古之冰雪 面對神山之宕漾乃其素烟晚施白霧晨紫或下横 飛瀑於層厓泞盤渦於疊嶂映朝夕而如金隔青杉而 通天漢之顓曠遠視則百領俱青近循則一嚴千狀 石壁盗崎差我萬夫柴太清觸緯象摘列宿於楹 非四明五與三青峨嵋太白廣霞赤城曾未足方 1.17 纓日月隱蔽以成陰虹梁 易子覧書 倒掛而 而

崩壑喷雪迅霆蹴崖轉石澎湃鏗鍧不崇朝而雨天 紫貂白狼狡兔飛離雞豹熊麗鄉磨屬鷹擲飛捷於 **炫動遠近輕濃窈蔚森聳一旦觸膚寸而消然也飛流** 若相拱凝五瑞之偕來望紫宸而遙竦錫碧金銀衆色 其崇萃並其邃清也千里之内萬山縣摊劍戟排連勢 則有丹石白拊琳瑉砥砆縹青結綠瑊功昆吾磊砢磷 也豈比於峛施之青青其上則有猿揮狸雅秆優傑猩 "踔空絶於深硎蹲谷底而長嘯攀木杪而悲鳴其下

鉨定

匹庫全書

崑崙北熾逃崖南震朱垠陸警水慄無不奔走而來賓 てこうら バルラ 賦未詳巨樹林陰楊枝叢倚合抱連卷形質崼儡垂條 旋目繁鶩競翔更有珍異之鳥彩翰朱裳禽經不載漢 側經崎嶇傾注而豹趨至於鴻鴈雕鵲鷹隼鵏鷞交精 而初啟遂誕航乎神聖同貞符於丹水東燭員崎西耀 之暮光接扶桑之晨非良真宰之所實護故鴻廳於茲 扶疎落英幡纜霜霰之所沍疑風雨之所交砥連醫問 **嶫棋相扶間以華芝靈樂米色叢敷醴泉涌出於其** 楊手賞書

市 維 分錫純 皇帝儲精垂思耀德布恩翱翔乎書圃逍遙乎禮園 鹿之姓姓藹繽紛兮獻王耸闢天關兮開地垠光絢 榛靡薜荔以為席 清 閣坐法宫遊近臣歷吉日協良辰乗星犯露尋婚剪 廟之雖雖載洪順之翻翻望豐鎬而顧念升將雖於 耤 极秋俎豆分千萬春 田 頌 有 序 喻流霞於通津紛長松之謖謖見像 順 治 P 午 館 課 歌

釕埞匹库全書

聞 以系 皇帝覽圖數貢慨然念曰子一人受 皇帝御極之十年海寓底定九州内外畢獻方物大 天明命撫臨億兆惟小民稼穑艱難朕何敢晏然其 郊壇辟雅典章稽古大小臣工黾勉率職 宗廟聞古天子自耕千畝以供粢盛有司其具典制 既成禮文肇舉 明年春联將親舉之越明年二月宗伯陳期司空

大三日 日 江西

湯子遺書

皇帝裔我三日五更既與斗牛當中雲旗殺該無邦 壇 之士珥筆執簡以昭鴻烈故嘉禾獻瑞載於周書十千 具如儀式竊惟自古神聖之君有盛徳大業必有奇文博能 耦 天顔載於載喜既祭先農性肥體潔尊罍明備解朝東来 動为四周至書 稱為絕盛今 周領歌之煌煌輝輝照耀行册千百年來如耳聞 公即庶官翼翼恪恪奔走厥職庶民慶都

皇帝仁恩惠澤翱翔海表先是十日親祭 朝日壇又遣官祭 社稷壇旬日之内四舉典禮而耕籍尤為數十年未行 孔子廟又親祭

人定可事 人

漢之文帝為昭者益二主有仁心為質故天必應之臣見

湯子道書

+==

治以誠不以文故耕籍之禮代有舉行而惟周之成

聖德不彰於後世而大化湮如也臣滋懼馬然臣聞圖

)曠典使撰次不得其人是使

於爍 歧之瑞將繼周漢而興歌也已臣謹拜手稽首而獻頌曰 臣稽首恭承 昊天熊濱式靈辟雅廟社鐘鼓維清乃眷下土小民之 皇運萬邦攸承海波晏然典禮肇興克敬 皇上軫念民依知非徒脩太平之儀者自茲以後五穗兩 多人也是 依載笠載褲載耦載機露之方讓日也未晞暑雨雲 冬雪溰溰爰命宗伯考禮以進朕將躬耕以倡田畯羣 4 澐

欠日の日人は 蒸蒸浮浮神農饗體后稷承羞百神醉飽庶姓歌謳執爵 太寢勞酒是酬 五九各備其儀逮於農叟種桂既播貽我来年乃獻先農 霓旌縹緲旗旋紛糾雲日開朗清霞出阜帝乃三推下則 明問敢不敬應以襄解愠日底天廟順時視土瞽告協 皇功豐年瀼瀼頌聲洋洋繼周越漢奕世無疆 帝乃眷命毋螟母螽母電母霁以報 風工奏靈雨司空埽壇金吾陳輅載未車右載履南畝 污子遗言 十四

命 重切口尼 白雪 之後六籍残缺漢儒收拾補綴祭互考訂歷晉唐而十 自伏羲畫八卦而象數著唐虞垂典謨而道統開姬公 有京房費直之學陳元鄭衆傳之凡以彖象文言雜入 得失詳畧可得而論爲言易始於田何傳於梁丘賀又 作禮樂而制度備孔子贊易刪詩書作春秋而天人性 三經之注疏始定及宋元學道者益衆經古益明其間 之理脩身齊家治國平天下之道昭於萬世矣秦火 十三經注疏論

者 卦中者自費氏始費氏與而田何遂息梁陳以來鄭康 大三日豆 精深漢魏而降罕出其右而微雜老莊為兩晉虛無之 天象難尋人事易習故鄭學浸微而王註獨盛其析 成王弼二註並列學宮鄭則多參天象王乃全釋人 子曰有理而後有象有象而後有數至微者理也至著 因而疏之唐孔顏達與顏師古撰正義亦以獨為本程 祖後儒機馬然欲一聚廢置則過也韓康伯那鑄之徒 象也體用一源顯微無間觀會通以行其典禮則 An alim 湯子遺書 五五 事

輔程朱之不及者乎尚書則伏生口傳二十八篇作傳 若李爲作之纂集訓解熊禾來知德之殫力象數其亦 簡易之法談義理者淪於空寂而不適於仁義中正之 朱子曰秦漢以來考象辭者況於析數而不得其弘通 無所不備善學者求言必自近易於近者非知言者也 象占易有聖人之道四馬合程朱之書庶乎備矣其他 歸求其因時立教以承三聖不同於法而同於道者惟 多万四月全書 伊川氏之書而已然伊川專於言理而本義則又兼言

盛是為今文魯恭王得壁中藏書孔安國校之得二 淺往往與經古不合朱子疑是晉宋間人偽撰有以也 及見故左傳所引者預輛注為逸書獨其訓解頗多球 五篇是為古文自漢迄西晉言書者惟祖歐陽氏安國 解晚出皇甫諡家雖當時大儒楊雄杜預之徒皆未 **碩達正義古趣多垂惟宋儒蔡沈集註頗得其要金** 祥表註王栢書疑魏了翁要義亦多可採馬詩三百 同郡張生其後分為歐陽大小夏侯三家而歐陽最 上の上書と 1

雖存無傳之者惟毛詩鄭箋至今獨立其宣釐正風不 **欽定四庫全書** 最嚴門人多有疑者竊以為書序可廢而詩序不可廢 傳作訓詁是為毛詩鄭康成為之作箋齊魯詩亡韓詩 有申公齊有轅固燕有韓嬰又趙人毛萇自云子夏所 五篇遭秦獨全者以其諷誦不獨在竹帛故也漢初魯 即詩而論之雅頌之序猶可廢而十五國風之序必不 已見取裁廣而立義卓信超出百家矣獨試斥大小序 可貶也疏之者惟劉焯兄弟為善朱子博考諸家斷以

為某事也且其說往往與左傳合子夏左氏皆親見聖 累句而無一言敘作之之意者而序乃一言以蔽之曰 辭多於敘述諷諭之意浮於指斥蓋有反覆詠歎縣章 也雅頌之文辭易知而意易明也獨風之為體比與之 於鄭衞深絕其聲於樂以為法而嚴立其詞於詩以為 祀朝聘之所用也鄭衛桑濮里卷狹邪之所作也夫子 人而聞其筆削之意豈盡無據乎朱子以二南雅頌祭 . . . . . . . . . . . . 可廢何也書直陳其事而巳藉令深得經意序不作 势子意思 t

微會於厥怒也左氏以為厥怒而公穀則以為屈 能 鄭衛皆在所歌使其為里卷狹邪之作則魯之樂工安 戒其說誠正矣然左傳記季礼來聘請觀古樂而即 公穀 文多有異同如公及都儀父盟於篾也左氏以為篾而 毛注鄭箋與朱子集註並行可也夫子春秋本文世所 不見所編古經則皆自三傳中擇出耳然三傳所載經 歌異國淫決之解而季子又從而聽之乎故大小 則以為昧如築都也左氏以為都而公穀則以為 郁

欽定匹庫全書

**基**六 注目

大三日本 たた丁 傳至宣帝特好之范甯父子世守其業創名例百餘條 秋董仲舒以公羊顯於朝至何休作解説覃思十七年 此三傳經文之不能盡同也漢初胡毋子都傳公羊春 於君氏尹氏一 師母乃刻與况乎徐彦楊士勛之疏為邢昺所是正者 又何足道也永平中能為左氏者推高第為講郎賈逵 以規諸儒同異之説可謂善矣而論者猶以其學不經 可謂專矣而多引識緯何可訓也穀梁自孫卿申公五 以為男子一 湯子遺書 以為婦人將以何為是乎

寬劉炫皆據杜說孔顏達正義則又依劉學而損益之 其論至精且星歷地理必考其詳方言謠解皆窮其義 ソス 經於仲尼故傳或先經以始事或後經以終義或依經 不 服虔並為訓解而杜預註盛行於時預之言曰左氏受 辨理或錯經以合異将令學者原始要終久乃得之 三傳註疏之大畧也至胡安國始以其意探聖人之 曰傳之診而曰經文閥漏則其蔽也其後沈文阿蘇 不能易其說馬間有棄經信傳者凡於傳例不合

錫定四原全書

為急漢高堂生傳士禮十七篇又有古經出魯淹中然 帖括蓋有傳業為大師射策為大官而目不覩三傳之 治天下之理盡於尚書古今御天下之變備於左傳今 法成非經生之作也若其書字書名稱人削爵之例多 全文者矣其陋不已甚乎六經之道同歸而禮樂之用 取士專主胡傳士子傭耳剽目刺取左氏之字句以充 有自相抵牾者謂盡得聖人筆削之古不敢信也古今 心於千載之上其書固所以明綱常正人心定國是垂

人已日日 八十二

湯子遺書

皆止於士大夫禮其朝觀會同郊祀大享逸而莫考河 也亦自河間獻王始獨闕冬官取考工記補之夫司空 曲臺記以授戴德戴聖慶普三家並立學宫鄭康成宗 辭質與韓愈循病難讀况下此者乎周禮之得入秘府 **微所遇則係禮一書豈非學者最宜盡心者乎獨其文** 間獻王奏之朝合五十六篇宣帝時后蒼深明其業為 之功不出視聽言動之間而動容周旋之際即性命精 小戴作儀禮註而慶氏之學至曹褒失傳大克已復禮

動分四角全書

欽定四庫全書 為贖亂不經何休以為六國陰謀既不足知之而劉歆 掌邦事居四民時地利考工何足盡之其得立學官也 百三十篇上於朝劉向檢所得合為二百四十篇戴德 足致治亦已過矣河間又得仲尼弟子及後學所記 自劉歆始杜子春因以授鄭衆賈逵厥後馬融作傳授 用之以輔莽王安石用之以變法後人遂以為周禮不 明贾公彦始聖人致太平之迹獨賴此編之存漢武以 康成其有注也自康成始而其有釋有疏也又自陸德 ·湯子遺書 千

者朱子欲考定三禮請於朝不果行止脩復王朝等禮 著孔顏達據以作正義宋儒篤信遺經淳熙有俞廷椿 集說吳澂合三禮以為考註其羽翼之功固皆有可言 曲盡其詳朱子深許之晉宋以來皇侃熊安生禮業最 篇康成又為之注康成於三禮功最深考究名物象數 六篇謂之小戴記馬融增月令明堂位樂記合四十九 復古之編嘉熙有王次點補遺之錄陳結採衆家以為 **删其繁重為八十五篇謂之大戴記戴聖又刪為四十** 

喪祭二禮付門人黄幹紹成其書曰通解汪克寬又因 其成法為補遺今之學者倘以朱子之意折衷全禮霊 欽定四庫全書 牧實用矣論語則何晏集孔安國七家注成之皇侃本 問顏芝所藏獻王得而上諸朝凡十八章所謂今文也 衛瓘十三家説疏之孟子則趙岐註之張鎰丁公著釋 之孫奭據以作正義當時並稱精確由今觀之於孔孟 貫忠恕性善盡心之古視程朱猶霄壞也孝經為河 經俾海內獲誦習古禮之全則諸儒衛翼之功得 湯子遺音 宁

流之與古也自然軍豹鼠之辨其書始行郭璞究心十 立之學宫與論孟並爾雅始於周公而成於子夏誠九 義為註那呙作正義疏之司馬温公范蜀公皆尊信古 本義集諸家之大成夫子曰吾志在春秋行在孝經當 文指解朱子為刊誤亦復多從古文明呂維祺作大全 與尚書同出孔壁者凡二十二章所謂古文也孔安國 康成皆為之註唐明皇取王肅六家之說參做孔鄭舊 劉炫宗之劉向典校經籍以十八章為定鄭衆馬融鄭

遠師友轉相傳授淵源有自後人多因之若文質三統 難明者非但古人之義理難明也實古今之事物不同 くこうこここ 馬融之說也九六老變孔顏達之說也河洛表裏之符 者也可以其為小學而忽之哉總而論之漢儒去古未 音韻則有四聲譜諸書皆所以輔爾雅而備同文之治 名號各異為難明也明爾雅則可以識箋注之首歸也 可以尋古人之精義也外此論體製則有説文諸書辨 湯子尚書 主

八載草木魚蟲名物訓詁昭然備晰蓋古人之言所以

儒之經而非聖人之經也豈深於經者哉 者而一之然後得聖人之全經若偏主一家是漢儒宋 宫鄭康成之說也是知漢儒之學長於數得聖人之博 宗廟昭穆之數劉歆之說也五音六律十二管還相為 多定四库全書 宋自周程張邵遠於朱蔡天地陰陽之與道德性命之 悉本先儒成說不敢妄出意見自記 深究其妙不泥前人之說其學也得聖人之約合一 二十一史論

蘇洵曰經以道法勝史以事解勝經非一代之實錄史 道法明而事解備此史之上也事解章而道義猶不悖 萬世之憲史也而為經脩史者蓋未有不祖此者也故 非萬世之常法是不明尚書之義春秋之古也大經史 人こりる シュラ 馬次也二者皆失斯為下矣司馬選史記創為義例上 之法同條共貫尚書備帝王之業經也而通史春秋定 深遠則其言愈緩其事繁碎則其文愈簡隱而彰直而 下三千餘年為五十餘萬言辨而不華質而不俚其意 湯子遺書 丰

難言之矣范蔚宗東漢書成自謂體大而思精由今觀 遷固而下帝王之道其暗而不明乎天人之意其否而 寬非豪傑特起之士其孰能為之班固西漢書自武帝 平孺子下列於新恭安能追劉知幾之所短哉王通曰 經緯錯綜縣如指掌亦古今之良史司馬之流亞也然 不交乎制理者參而不一乎陳事者亂而無緒乎嗚呼 自謂漢運紹竟以古今人物强立差等居攝不附於漢 以前守其說而不敢變其所自為贍而不穢詳而有體

多定四月全書

之見履記左慈之羊鳴詭譎不經文辭繁縟春秋之義 抑節義之董宣於酷吏升忍恥之蔡琰於列女志王裔 火毛日見 上町 尤善之乃以父髡之故謂武侯不逮管蕭以索米之故 於斯盡矣然論序詳明不可誣也陳壽述事簡嚴張華 以點僭竊之義謂何使非習彦威辨之綱目正之大統 而丁儀遂不得立傳且帝曹魏而寇劉漢所謂正大義 之論實武誅中官為違天理論班勇使西域為遺佛書 不幾終紊乎貞觀時以何法盛等晉書未善乃據臧榮 湯子遺書 十四

之後魏借公報私毀譽失實百樂北齊避諱器號還就 瑞不經甚矣子顯齊書實因江淹天文但紀災祥州郡 也然而史官之事至以天子臨之且志傳分手載冗駢 典然而倉皇變亂之際鑒戒頗多不可得而泯滅也收 也宗書本承天之舊事雜晉魏失於限斷沈約創志符 緒書增損之至宣武本紀陸王二傳煌煌御撰何其盛 麗語林世說盡入青編幽明疹神咸被採錄何可不辨 不著户口思康梁陳二書實卒父志祖父楊名言多不

金写口屋

白皇

昧制度之原忘喪亂之本長孫與敬宗並書昌黎與禹 壽以來罕有其傷劉的舊唐書府兵無志潘鎮無表是 比之正史寶為過之魏徵隋書本末備舉倫貫有紋陳 子何以覽觀馬李延壽南北二史刪畧繁蕪編摩簡徑 弗端後周牛弘惟務清言德棻繼之率多牴牾後之君 德蔽於閥闖此留公亮之所以致譏而歐宋之所以釐 泯然例吳淑以外戚而卓行蔑著則大節掩於細謹高 錫同傳則賢否無别功罪等觀目劉黃以文苑而直節 てこうっき 7:11 湯子遺書 主

發凡起例舉無要領載事立傳不辨主客互紀則複累 具宗史舉駁雜細碎志傳不勝書之事羅而入之本紀 裏矣史之有本紀史之綱維也古之史本紀立而全史 交治亂與亡之故一唱三歎迴環不已蓋與司馬相表 無徵多用奇字讀者易厭姓氏多訛年月屢異君子歎 之矣蓋歐宋平分學術稍殊固不若五代史之獨出 人也其文簡遠澹宕當雲擾瓜分之日而君臣上下之 正也新唐書雖事增於前文省於後而削去詔令王言

多定四库全書

卷六

刺失據衮鉞無憑何其陳也金史簡潔遠勝宋遼蓋元 之指僕斯曰有學問文章而不知史事者不可與有學 **亮論方畧之詳又如史彌遠傳但序官閥兼載奏章褒** 如韓琦傳不載儀鸞司撒簾之事狄青傳不記與留公 而無章送舉則錯近而寡要且卷帙最繁而缺畧不少 要以時日欲成一代良史胡可得也史才實難自古歎 門扶風父子相繼梁書陳書十載告成而今限以條 好問之原本佳耳元史雖才集衆長而削豪迫促夫龍

大三日戶江京

湯子遺書

テナ

聖人之書明白簡易而後儒推求過甚遂成不決之疑 漢孔安國鄭康成至明趙子常王陽明質景瞻也以 者 長而克已無我幽明不愧後能誅姦諛而發潛德安得 問文章知史事而心術不正者不可與然則必才備三 王正月四字不論者固有之其以周改月兼改時者 司馬君實朱元晦其人而與之議史事哉 如春王正月之類是也註春秋者不下數十家置春 春王正月辨 周

多方四月子書

人三日月八二丁 雪亦常耳何足書成公元年二月無冰此建五月也若 建 也諸家引經據傳自以為確不可易而余則直以春 本文斷之而已矣春秋桓公八年冬十月雨雪十月者 周 改月不改時麥苗何得至秋定公元年冬十月隕霜 ýP 周正為建酉月故雨雪為非時若夏之十月建亥雨 不改時兼不改月者則宋仲黙魏華父至明章本清 月無水又何異馬莊公七年秋大水無麥苗 湯子道書 ニナン 如 周

攺

月不改時者則宋程伊川胡康侯至明劉文成也

甚眾更有可證者僖公五年左氏傳曰春王正月辛亥 三月非同於殷正同於夏正也過此前代無以為之正 其為周天子之正月非夏之正月殷之正月也而又於 夫子特書曰王正月而左傳亦釋曰王周正月者蓋明 朔日南至日南至者子月也此又改月改時之的據也 二月三月亦繋之王見五月為周之二月寅月為周之 殺殺若夏之十月殺已獲矣陨霜亦非失時如此之類 則亦不必書王以别之矣或曰四時之序夏正為善

動戶四屆全書

卷六

而 子而極於已午陰生於午而極於亥子陽生而春始陰 時此為見於行事之驗則又診甚如胡氏之說周改月 生而秋始自一陽之復以極於六陽之乾而為春夏自 不改時是雖以子月為歲首而四時之序猶夫夏也以 周公大聖人也以冬為春可乎曰陽明言之矣陽生於 也故有夏時冠周月之說以為孔子告顏淵以行夏之 一陰之姤以極於六陰之坤而為秋冬此文王之所演 周公之所繋何不可之有胡氏泥於冬之不可為春

次足四軍全書

湯子遺書

テハ

也王制固未有大於正朔者孔子為當時諸侯强横大 冬為孟春豈可謂行夏之時乎不夏不周之間孔子何 夫陪臣僭亂而作春秋乃首改周天子之正朔也恐聖 冬為春乃自孔子始以夏時冠周月非所以尊周以仲 庸何傷曰所謂天子之事者謂賞功討罪以明天子之 人亦有所不敢矣或曰孟子不云乎春秋天子之事也 百王垂訓萬世者也春秋者聖人尊周室明王制之書 以自處馬夫行夏時者師友平日論道之言所謂損益

からし

Ŀ

1:1:1

K

次足四車全書 一 為垂法後世吾恐法未可垂而先犯為下不倍之戒矣 |法使諸侯不敢悖天子大夫不敢悖諸侯耳非少變易 風亦周詩也何以用夏正曰周之先世以農事開國后 正月為春以周正月為春則周之必改時可知也曰函 則周之处改月可知也周不改時則孔子必不敢以周 月則孔子必不敢以十一月為正月以十一月為正月 且此亦空言耳烏在其為見諸行事之驗乎故周不改 四時之序改本朝正朔而後為天子之事也胡氏以此 湯子遺書 主

使當時以正月為冬而孔子獨書曰春三子能已於言 羊穀梁皆周人也於此獨不加論馬亦以為不必論也 矣商之時制固無從得而考要之不可以例周與其雜 引他書以釋春秋固不若即春秋以釋春秋也左氏公 用虞夏商之正朔且豳風述民事夏正為切而春秋明 元祀十有二月以為商不改月之證何數曰書缺有間 稷公劉以來固虞夏商之諸侯也為虞夏商之諸侯父 一王之大法尊周為重未可以為例也曰諸家引商書

たこうら たたす	世神学の開門屋	哉								
湯子遺書										
=+										

湯子遺書卷六					あ方四月全書
			·		卷六